


+





滕王閣全集卷九

詩 五言排律

滕王閣

明蘇州楊

基

山

按

地湧三重閣江橫百尺臺  
渚霞朝牖闕山雨暮簾開  
金奏雲中落銀屏月下來  
虹霓明綺席星斗漾珠胎  
歌舞俄成夢登臨信可哀  
画圖迷蛺蝶文甃積莓苔  
憶赴閻公宴曾誇子建才  
長天與秋水千古共徘徊

豫章滕閣重會傅臬長  
近山楊都闕石巖追憶

夷門賦贈

莆中黃洪毗

御史



梁苑離襟切容華歲月分遷鶯欣倚玉結駟共看雲  
地洵鯨波靜心同蘭葉芬含輝明楚練望氣識龍文  
玄草楊雄志礪金傳說勲願陪丹鳳侶刻燭待朝曛  
滕王閣懷古  
溫陵蔡邦俊  
撫州太守

吸彼西江水維時臘月春王郎詩似昨帝子閣仍新  
躡屐探風景攜童戴雪中從容詢里老揮霍看嶙峋  
梅嶺金龍現松門石鏡振快哉星落渚奇矣洞名秦  
香自丹鑪送鶴翹白鹿蹲杯中帆影過檻外鷺飛頻  
雲裏寒潭靜天空遠岫親居然誇地勝宛若借文珍

序賦猶如此功勲那有倫干將衝斗宿鐵柱鎖蛟鱗  
漢室徐孺子晉庭溫太真星移秋幾度不朽是何人  
甲戌上巳前一日群少長二十二人侍舒礪師

集滕王閣

喻全禊

見前

修禊知明日晴光集此時江生春候水閣重古人詩  
往事誰堪擬爲歡今在茲憑欄分少長雜坐列參差  
占酒同佳客高言奉所師連峰低舊樹斷岬長新籬  
細浪風前出輕檣影後移野雲天際遠吾欲採瑤芝



滕王閣全集卷十

詩 七言排律

珠瀾閣漫賦紀勝

明永嘉王維夔

江西督學叅政

有害帝子撫南州千載碓圖跡尚畱飛閣遙吞平野  
 入危欄迥壓大江流雲開蓮萼山疑逼波撼城闌地  
 欲浮海嶠霞消吳苑晚煙泉木落楚天秋昔賢詞賦  
 空陳跡使相登臨紀勝遊賸有文章鑄琬琰悅聞玄  
 圃拊琳球感時俛仰成今昔異代心期託唱酬一柱  
 水環宮闕壯二蕭壇繞洞天幽更從寶地營新構忽



向璇霄送遠眸窓豁四虛凌倒景思超八極寄冥搜  
華榱藻井窺青雀近渚蒲茸矯白鷗卷幔名香流艾  
葯軸簾仙局響文楸上尊法醞傾瓊液少部新聲和  
棹謳迎爽澄暉淪素魄委波神物動潛虬胡牀不淺  
庾公興將略惟垂叔子裘荒微褻氛時極目殊方戎  
馬未銷憂鼇蟠雄鎮連南紀雉列巖關領上游五嶺  
山川遙控粵三巴形勝近通涪津停夜寂烽煙息澤  
國霜清瘴癘收聊傍檐帷陪後乘漫從尊俎借前籌  
譚鋒落塵傾河漢劍氣成虹燭斗牛休暇暫能消  
鞅掌虛涼何以贅微猷圖書自有山靈護物候偏驚歲  
序遒秀色憑高堪攬結吏情亦自狎滄洲

滕王閣同譚友夏賦十二韻

南昌喻周

見前

十里桃花水到天春風猶是永徽年驚紅鳥散光難  
度翠窻多勢未連閒倚画欄思舊雨微看綺井動  
新煙前溪舞罷雲移席遠浦歌殘月滿船燈火萬家  
民氣樂帆檣千樹客心懸沙飛日夜龍浮木岍隔波  
濤鹿飲泉鐵筴一聲催鶴去霓旌幾處起鷗眠心存



古廟悲延頸跡望洪崖指拍肩載事文成閣伯記黃鶴

樓作記者閣伯理滕閣宴集賦詩者閣伯璵憑虛才羨子安仙地分吳楚

嗟同異人在衛盧繼後先解佩無妃空眷戀濯纓有

侶漫周旌自堪玄對知何極我輩登臨倍悵然

春日登滕王閣 王孫朱謀璣

傑閣雕甍枕豫章登臨神王欲飛揚牽簾小燕疑蝴

蝶落渚輕鳧傍鳳皇縹緲帆檣天外度參差雉蝶座

中望芳洲杜若含春雨夾听桃花映夕陽煙鎖樓臺

如蜃結雲興霄漢似龍翔嶽崎南障乾坤老潏沈東

流日月長試聽玉轡悲帝子憑陵牛斗按干將零子

欲法前修賦半醉操觚也自在



滕王閣全集卷十一

詩 五言絕句

滕王閣

唐錢起

幽懷念煙水長恨隔龍沙今日滕王閣分明見落霞

登滕閣詠西山

宋僧可朋

洪州太白方積翠倚穹蒼萬古遮新月半江空夕陽

登滕王閣

明茂苑文

嘉廣文

帝子久寂寥江花自開落我來讀殘碑流雲掛虛閣

滕王閣

江州左江表

山人





原件短缺

P1以后缺



丹翠穿雲出何年帝子樓倚欄人不見天際水長流

前題

南州楊汝允

知府

閣流帝子名風光渺何許江月向江圓相看了無語

前題

海寧查繼佐

見前

江水白于練遠樹來分明西山不可捉竚閣空為情

其二

今閣生古懷山色老不媚幸非子安時麤心負高視

其三

不雨山亦可無雲浦自春曾讀滕王序而今讀是真

滕王閣全集卷十二

詩 七言絕句

滕王閣

唐李涉

滕王閣上唱伊州二十年前向此遊半是半非君莫

問好山長在水長流

前題

宋臨川王安石

見前

白浪翻江無已時陳蕃徐孺去何之愁來徑上滕王

閣反覆文公一片碑

次韻伯崇登滕王閣感舊益聞往時延閣公拜



疏如此云

宋新安朱熹見前

金闕銀臺夢想中樓前拜舞皂囊空十年殄瘁無窮恨歎息今人少古風

世明九客同登滕王閣索詩口占

宋筠溪僧德洪

西山出雲青未了九客凭闌一笑時秋天便是一張紙寫取江南覺範詩

江西滕王閣圖

元蘭谿吳師道禮部郎中

西山湧翠大江流歷歷開圖記昔遊寂寞滕王舊時閣秋風斜日下城頭

滕王閣

僧晦機

檻外長江去不回檻前楊柳後人栽當時惟有西山在曾見滕王歌舞來

前題

元虞集見前

豫章城上滕王閣不見鳴鑾佩玉聲惟有當時簾外月夜深依舊照江城

前題

明天台僧宗泐洪武中取經西域著有全室集

滕叔錢緝辱獻陵洪州都督更驕矜至今高閣章江



曲却與文章萬古稱

前題

况志寧

千年傑閣斗牛間  
珍重鳴鑾去不還  
徙倚欄干吟未穩  
浦雲迎雨過西山

登滕王閣

崇仁吳與弼

徵士

問舟南去急歸程  
江畔晴樓偶一登  
南浦西山俱在眼  
微吟不盡古人情

滕王閣感興

南昌李佑

教諭

滕王高閣今何在  
逝水東流去不還  
惟有東湖徐孺宅  
清風千古對西山

季秋二日登閣有賦

東吳杜庠

見前

百年心事酒杯間  
鷗鳥忘機去復還  
一帶西山青在眼  
幾人青眼似西山

夜宿滕王閣

前人

高閣寒窓夜不關  
隔江燈火見西山  
夢中記與滕王說  
歌舞何年再得還

滕王閣感興

慈谿王德明

南昌教授

笑倚東風問海鷗  
滕王歌舞幾時休  
西山烟景依然



在暮雨初收月滿樓

登滕王閣

寧化黃

昂

南昌府訓

自昔曾聞高閣名宦遊今日喜親登雕闌獨倚聽虛籟猶帶當時歌管聲

餞鍾道長按咸陽

四明周

相

見前

春風蛺蝶知何處秋水文瀾上此樓啣命九天雲五彩青驄西去舊皇州

續餞劉將軍

前人

昨日揮毫挾碧天今朝把劍合龍泉劉家將種周公制百尺雲臺畫二賢

其二

夜半投壺說草堂天山三箭亦須降忽憐海上年前事馬脊峰南桐柱雙

別陳少淇道長廣潤樓畢赴滕王閣諸司餞余復載酒速之

前人

南浦離尊不盡情樓船載酒漫行行滕王高閣笙歌沸三疊陽關不忍聽

再速



勝王閣集  
儘知地主各依依  
盡量躊躇醉未歸  
子夜江天鷹化

鳳陞大九苞鼎彩五雲飛

三速

章江弭棹已多時  
專待君來話別離  
明日好風湖上  
得等閒千里隔天涯

四速

覽勝樓邊暫織舟  
瑤天璧月浸琉璃  
流登仙漫有斑生  
美珍重當年李郭遊

江上望滕王閣

持江羅汝芳會憲

秋淨章江散莫烟  
遙依官閣度樓船  
閣中簾影誰高  
揭隱約纖歌與客傳

與郭次甫汪象初詹淑正京甫啟明弟會宿滕

王閣聞簫同賦一絕 王孫朱多炆

高枕江樓第二重  
不知樓外語喁喁  
與君起步危闌  
曲月落西山蕭史峰

登滕王閣

南昌喻文偉見前

謾登帝子舊層臺  
遶徑閒花向客開  
萬井風烟圖畫  
裏一江秋色逐霞迴



登閣漫興

吉水劉應秋

祭酒

危樓江表日霏微  
江面雲烟擁釣磯  
春色不勝芳草綠  
萋萋常似待人歸

其二

滕王閣下碧波寒  
徐孺祠前木葉丹  
幾曲欄干凭欲遍  
可知無夢到長安

其三

齋心自捧玉函經  
登閣焚香對翠屏  
捲雨收雲塵不到  
愛看江上幾峰青

其四

厭原山上碧氤氳  
排闥烟臯領白雲  
攜得青萍雙劍在  
斗間遙夜動星文

滕閣演牡丹亭

臨川湯顯祖

南祠部郎

韻若笙簫氣若絲  
牡丹魂夢去來時  
河移客散江波起  
不解銷魂不遣知

其二

樺燭烟銷泣絳紗  
清微苦調脆殘霞  
愁來一座更衣起  
江樹沉沉天漢斜



滕王閣逢琪叔爲別 前人

才名真似玉潏潏江上相逢琪樹春更別未須明日  
去章門風雨解留人

其二

兄弟江頭會亦竒蘭亭已矣更何之臨岐并作蒼茫  
語尊酒絃歌日暮時

同諸老登滕王閣

南昌萬民命

知府

東風吹雨老人心碧水朱甍歲月侵欲問洪厓舊時  
宅青山處處亂雲深

其二

高樓萬瓦照寒波帝子當年柰若何更憶唐家舊宮  
闕不知何處吊銅駝

其三

巴山會上君王謝故國風烟復此樓回首十年車馬  
地白雲修竹古今愁

其四

衰年出郭共扶筇閣上看雲第幾峰共喜太平遺老  
在浦鷗沙樹亦從容



題畫梅贈舒元直

玉山程福生

見前

南枝向暖北枝寒共吐紅英秀可食家傍滕王樓下  
住江天分影作霞看

滕王閣

南昌徐來鳳

知州

章江沙合千年讖滕閣筵開九日觴六載夢遊仍舊  
景落霞孤鶩兩茫茫

蒲節後登眺滕閣

東吳何謙

南昌縣知縣

城頭傑閣鳥飛翔烟雨收來滿画梁聽得管絃歌夜  
月雲山江水亦高長

口占題閣壁

長洲管正傳

見前

浦雨山雲秋未已新銘舊賦雜然陳王生浪有天才  
譽江上好風笑殺人

滕閣登眺

新建徐良彥

見前

霧崖早日開青海雪浪秋風起碧山極目烟光收不  
盡飛鴻明滅水雲間

其二

芳草洲連碧樹涯霜天紅染葉迷離歸鳥一陣殘陽  
外知在高樓第幾枝



其三

碧瓦朱甍照白沙  
隔村烟樹萬人家  
漁歌薄暮搖江  
上若為登樓兩部蛙

其四

子安賦後見昌黎  
今古詞人閣筆題  
豈為品評應不  
盡丹青一幅水雲西

滕王閣晚眺

南州徐懋功

見前

縱目高樓景物收  
滔滔章水捲城流  
爭巢歸鳥喧殘  
照江上遊人泊晚舟

題滕王閣

鄭若庸

山人

帝子飛驂不可招  
崔餘高閣對江潮  
千年秀句成陳  
跡南浦飛雲獨未消

吊滕王閣

西粵張自謬

見前

南浦西山見雨雲  
朱簾画棟不堪聞  
可憐帝子逢灾  
異空倚長江莫救焚

滕王閣

南昌徐思節

見前

玉架千株一望餘  
風烟合處障空虛  
誰令石壁蛟龍  
舞孺子文章太史書



泊舟望滕王閣偶成 廬山性 淳

雁背西紅射晚楓小舟又泊石門東山僧不解王郎  
賦快閣仍來一夜風

滕王閣全集卷十三

詩餘

賦滕王閣

賀新郎

宋歷城辛棄疾

撫江西安

高閣臨江渚訪層城空餘舊迹黯然懷古画棟朱簾  
當日事不見朝雲暮雨但遺意西山南浦天宇修眉  
浮新綠映悠悠潭影長如故空有恨奈何許 王郎  
健筆誇翹楚到如今落霞孤鶩競傳佳句物換星移  
知幾度夢想珠歌翠舞為徙倚闌干疑佇目斷平蕪  
蒼波晚快江風一瞬澄襟暑誰共飲有詩侶



登滕閣用稼軒韻

元相臺許有任

中書左丞

陳迹空鳧渚，悵繁華等閒一夢便。成今古佩玉鳴鑾，人如畫何處為雲為雨。只明月還生春浦，帝子當時無窮欲奈浮雲回首。渾非故天有意，肯輕許江湖襟帶。惟吳楚偏翩翩，二王文采儷章駢句。一旦飛來韓家筆，才見龍翔鳳舞。漫千載懷人延竚，亭閣紛紛今誰在。笑世間華屋爭寒暑，瀛海遠去無侶。

前題 次韻

明四明李

麟 見前

高棟支牛渚，憑高一瞬東流盡。渺然終古急管繁絃，聽漸杳漠漠愁雲欲雨。臥吹三弄漁歸浦，芳草王孫何處也。西山簾捲青如故，笑流年今幾許。慚愧子安才楚楚，漫留題嘆息豪華腐。儒章句看取草亭容，膝地仰遺風人鼓舞。采采蘋香延佇，世路驅人明日又抖塵襟。水殿清無暑，憺忘歸遺伴侶。

滕王閣次韻

夏汭趙

遷 見前

秋遶蘆花渚，感江湖一片憂懷。登樓吊古繡闥雕甍，渾不見浪道飛雲捲雨。寒聲斷衡陽雁浦，西山望暮煙疑紫。幾森森喬木家還故物，華處知誰許。瑤琴



一曲神凄楚謾追尋斷楚荒砭絺章繪句爽籟飄飄  
逸興飛樂也自歌自舞尊酒盡沙頭獨竚雨霽虹銷  
天氣朗試新衣乍寒仍乍暑萍水客瀛洲侶

滕王閣懷古

南浦

南昌喻

綜 見前

天高氣爽看平楚落葉動秋聲南國驚霜征雁帶影  
下寒城漠漠輕舟過雨濕帆飛遠幾點微星更蕭條  
鴉集陌頭衰柳殘照萬峰青 瑟瑟江澄染練憶從  
前何事不疑情日月銷磨今古不見舊旗旌青雀黃  
龍何在也皆除惟有樹長生嘆去來月上欄干空際

水波明

前題

獻仙音

前人

雲淨山妍席來飄逸色改楓林遠渡風弄濤聲日侵  
衰草驚起宿鷗眠鷗人去閣空何處勿憶當年舞  
豪華所問一時登臨意興莫頻嗟幾度變更今古想  
年少王郎灑墨時曾將誰顧倚檻興懷思前朝有似  
朝露盼從空遂聲鶴影悠然西翥

已卯春赴楚中丞方先生幕遇石尤于馬當江  
憶子安當日風送滕王閣遂使童子成後世名



江神昔憐才今何妬也時聞滕閣重修因草懷  
閣詞用宋辛稼軒賀新郎詞原韻

皖桐周岐

明經



雪跡遵鴻渚看山色撩人無數壁聖苔古挂長江一  
帶奔流驚浪拍天如雨迷離煙樹低前浦生平艷說  
馬當風似此日江神渾非故昔憐才今何許齊盟  
狎主兼吳楚豈尋常高聳詩肩虫吟腐句子安詞賦  
詎云多但年少堪豪舞空拍碎闌干凝佇實東南  
誰說美倚孤蓬醉裏逃寒暑遙作記韓爲侶



